



Na osnovu Programa utroška sredstava Budžeta za poticaje u poljoprivredi u 2013. godini i Uputstva o poticanju poljoprivredne proizvodnje koje je Vlada Zeničko-dobojskog kantona usvojila, Ministarstvo za poljoprivredu, šumarstvo i vodoprivredu raspisuje

JAVNI POZIV
za prikupljanje zahtjeva za odobravanje sredstava za poticaje u poljoprivredi

1. Pozivaju se fizička i pravna lica da podnesu Zahtjev za odobravanje sredstava za poticaje u poljoprivredi.
2. Korisnici sredstava mogu biti fizička i pravna lica koja na propisanim obrascu podnesu zahtjev sa potrebnom dokumentacijom Općini ili Ministarstvu, te da ispunjavaju kriterije za poticaje u poljoprivredi koji su propisani Uputstvom o poticanju poljoprivredne proizvodnje.

A/ Podrška poljoprivrednoj proizvodnji

A/1 Animalna proizvodnja

- Premija za uzgoj brojlera,
- Podrška za držanje pčelinjih zajednica.

A/2 Biljna proizvodnja

- Premija za proizvodnju povrća u plastenicima i staklenicima,
- Premija za proizvodnju američke borovnice i aronije,
- Premija za proizvodnju gljiva,
- Premija za zasnivanje novih zasada maline, kupine, američke borovnice i aronije,
- Premija za zasnivanje novih zasada voća-visokostablašica.

B/ Podrška otkupljivačima poljoprivrednih proizvoda

- Premija otkupljivačima svježeg kravljeg mlijeka,
- Premija otkupljivačima za otkup svježeg voća i povrća,
- Premija za otkupljivačima nekultivisanih šumskih plodova, bobičastog voća i nekultivisanih gljiva,
- Premija otkupljivačima jagodičastog voća.

C/ Podrška kapitalnim ulaganjima

- Podrška poljoprivrednim proizvođačima za investicije u poljoprivrednoj proizvodnji u funkciji proizvodnje hrane na području Zeničko-dobojskog kantona

KRITERIJI ZA RASPODJELU SREDSTAVA

1. Opći kriteriji

Pravo na ostvarivanje podrški stiču:

- korisnici koji su ostvarili primarnu poljoprivrednu proizvodnju ili poljoprivrednu djelatnost obavljaju na teritoriji Zeničko-dobojskog kantona, te se bave otkupom poljoprivrednih proizvoda sa područja Zeničko-dobojskog kantona, osim ako to ovim Programom ili Uputstvom nije drugačije propisano,
- korisnici koji imaju stalno mjesto prebivališta, odnosno za pravna lica sjedište, na području Zeničko-dobojskog kantona,
- korisnici koji su upisani u registar gazdinstava/klijenata.

2. Posebni kriteriji

- korisnici koji po bilo kojem osnovu nisu izmirili svoja dugovanja prema Kantonu neće moći ostvariti pravo na poticaje.
- nepotpuni ili netačno popunjeni, neblagovremeni i izvan propisane procedure dostavljeni zahtjevi neće biti uzeti u razmatranje.

Precizniji uslovi i spisak potrebne dokumentacije za ostvarivanje poticaja dati su u Uputstvu o poticanju poljoprivredne proizvodnje koje je objavljeno na web stranici Zeničko-dobojskog kantona.

Rok za dostavljanje zahtjeva je osam (8) dana po objavljivanju Javnog poziva.

**Ministarstvo za poljoprivredu,
šumarstvo i vodoprivredu
Zeničko-dobojski kanton**